

Protocol no. 49
Sezzüda da marcurdi, 19 december 2012 19.30 - 24.00

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Fatschenda 410 Il manader tecnic, Christian Poo

Protocol

Il protocol no. 48 da la sezzüda dals 10 december 2012 vain approvà.

410 021 FABRICA
Swissroof GmbH, Christoph Müller, Avant Baselgia / Chasa B
Parcela

Chasa existenta - Platzbau: Renovaziuns in- ed externas, per part fanestras e portas novas

Chasa A / Chasa oriunda (dret da reconstrucziun) vegn sbodada cumplettamaing e fabrichada sü illas masüras dal dret da reconstrucziun.

Chasa B / Fabricat nouv cun trais abitaziuns.

A chaschun da l'ultima sezzüda d'eira insè gnü permiss la construcziun dal stabilimaint chasa existenta - Platzbau e da la chasa A. A reg. il fabricat da la chasa B nun d'eira amo tuotta documainta giuridica avantman, uschè cha quella fatschenda es gnüda suspaisa sülla sezzüda d'hoz. Il Cussagl decida da conceder il permiss da fabrica.

A regard la charta (recuors) d'ün abitant da Sent decid'il Cussagl da til infuormar in sen, ch'el nu saja legitimà da recuorrer cunter il fabricat da Swissroof e cha sia charta gnüa resguardada sco proposta ed impuls, la quala il Cussagl pigl'incunter ad examinaziun.

413 021 FABRICA
Patrizia Wieser – Ruben e Sabina Zanetti – Ruben, bain Vastur

Tuotta documainta es avantman in möd cumplet e la dumonda es statta publichada tant in cumün sco eir i'l fögl uffizial. Ils permiss dal BAB e da l'uffizi da pulizia da fö sun avantman in möd positiv. Il permiss da fabrica es madür per gnir concess ed il Cussagl til conceda.

417 070 STABELS D'ADMINISTRAZIUN
Chasa cumünala Misoch, pensum pedella Raffaella Lombardi

La chasa cumünala vain ütlisada in möd considerabel da diversas societats e per occurrenz publicas. Quai chaschuna viepl'ün grond ingaschmaint da nettiamaing. A Raffaella Lombardi d'eira gnü concess ün pensum da 30 uras al mais. Seguond constataziun in basa da controllas, füss ün augmoint dal pensum plainamaing güstifichà. Il Cussagl conceda quel quel cun 10 uras, dimena nouv importa il pensum 40 uras al mais.

418 300.365 Contribuziuns e donaziuns
Promozion da cultura, giubileum 100 ons Parc Naziunal Svizzer

Il Capo preschainta seguaintas dumondas da sustegn:

PEB. Seguond üna clav da scumpart sùls cumüns demuossa tala üna somma da sustegn per nos cumün da fr. 4'725.00. In vist'a la situaziun finanziaria na zuond favuraivla da nos cumün decid'il Cussagl da sustgnair l'ouvra cun üna somma pauschala da far. 3'000.00.

419 300.365.50 Contribuziuns e donaziuns diversas
Ebexpo, 26 - 28 avriq1 2012 illa halla Gurlaina

La società da commerzi e mansteranza Egiadina Bassa dumonda per ün sustegn fianzial vi da tuot las acitivitats chi stan in connex cun quist'exposiziun regiunala. Il Cussagl decida da sustgnair l'occurrenza cun üna somma pauschala da fr. 1'500.00.

420 830 TURISSEM
Pendiculara Piz Val Gronda

Culla pendiculara manzunada vain ingrondida l'arena da skis Ischgl/Samignun. La pista cun seis target as rechatta plainamaing sül territori da l'Austria.

Davart da l'uffizi da chatscha e pes-cha dal Grischun, dr. Georg Brosi, vain però rendü attent, cha causa quell'inseraziun sarà da spettar ün considerabel augmoint da da skiunzs da variantas e da turas i'ls contuorns dal Piz Val Gronda, in ün territori cha fin hoz ais be pac gnü utilisà ed ch'als disturbis pella sulvaschina sun be pitschens. La chadaina al süd dal Piz Rots / Piz Vesil / Piz Chöglias / Piz davo Sassè e'ls Chalchogns sun excellents quartiers d'inviern per capricons e chamuotschs.

Dr. Brosi manzuna chi sarà inevitabel da proteger la sulvaschina illas costas vers süd cun üna zona da quietezza, chi scumanda l'access d'ürant l'inviern. Pustüt sajan da serrar las fuorclas Rots, Fenga Pitschna – tanter il Piz Chöglias ed il Piz Davo Sassè.

El manzuna chi seguirà davart lur uffizi discussiuns culs ravuogls interessats per cha'ls giavüschs da persunas chi van in tura possan gnir resguardats.

Il Cussagl nu tir'ingüna decisiun. El vout amo far ulterius sclerimaints.

422 ORIENTAZIUNS

1. Ospidal / Center da sandà Engiadina Bassa
Il Capo orientescha, cha'ls respunsabels da l'Ospidal Engiadina Bassa, cumparan a Sent per orientar sur dal proget da sanaziun dal stabilimaint. (somma previssa fr. 16. miu.) La radunanza d'orientaziun varà lö in lündeschdi, als 11 favrer 2012 a las 20.00.
2. Institut Otalpin, Ftan, radunanza generala dals 5 december 2012
Il Capo orientescha d'avair fat part. Tuottas fatschendas sun gnüdas decisas ed evasas seguond glista da tractandas. Per ev. infuormaziuns plü detagliadas in chosa sta la documainta, sün giavüsch, a disposiziun a mincha cusglier.
4. Departamaint da finanzas e cumüns dal Grischun / Refuorma d'egualisaziun da finanzas
Fin als 31 marz 2013 es dat occasiun pella consultaziun. Da la documainta po minchün tour invista suot:
www.dfg.gr.ch→Themen/Projekte→Laufende Vernehmlassungen→FA-Reform.
5. Cumüns concessiunaris Martina – Pruz / permiss da fabrica
Davart da Not Carl vain infuormà, cha'l senat da l'ambaint da Vienna haja concess il permiss da fabrica pell'ouvra "GKI" – Grenzkraftwerk Inn. Uschè as poja inchaminar vi da las lavuors bsögnaivlas.

423

DIVERSAS SCHEFS

Explotaziun da material a la sortida da Val Tramlai

L'uffizi per il svilup dal territori dal Grischun vaiva averti chi'l proceder da consultaziun vaivan l'uffizi per la natüra ed ambiaint ANU sco eir l'uffizi da god e privels da natüra AWN refüsà quel intent. Uschè nu po gnir miss in vista al cumün da Sent ün permiss dal BABI ed il Cussagl decida da retrar la dumonda da fabrica e da desister da la pretaisa d'üna decisiun negativa dal BAB.

424 942.423

Entrada da fits

**Deposit d'aldüm sün terrain cumünal, convegna cun Andri
Mosca**

L'actuar vaiva miss in net la convegna a regard il dret da depositar aldüm cun Andri Mosca. Men Caviezel preschainta la fatschenda. Il Cussagl tilla repassa fond amo alchüns adattamaints. In quel sen po tala uossa gnir suottascritta.

L'actuar:

Il Capo:

Las fatschendas nr. 409 / 411 / 412 / 414 / 415 / 416 / 421 e 422 alinea 3 nu vegnan publichadas, causa cha quellas suottastan al secret d'uffizi, ingiò chi sun tangats aspets persunals, l'uffizi social obain eir tractandas chi nu sun amo trattadas in möd conclusiv e na decisas.